

藏

山

閣

集

藏山閣詩存卷七

桐城錢秉鐙飲光著

龍潭室主校刊  
瑤樓居士

生還集丁亥下

行路難

我昔嬉遊碧海邊。黃金爲舟白玉舷。交龍左右束篙楫。登之迺是天河船。天河清淺一線懸。中有波濤如山連。明星磊磊化爲石。使我舟膠不得前。牽牛織女無由渡。終年相望涕潸然。人生會合須有命。何苦憂鬱自相煎。行路難。勸君還家斟斗酒。臥看白雲南山顛。

君不見東海安期生。家在瀛洲三島旁。庭前雙植珊瑚樹。池邊遊戲紫鸞鶯。邀將洪厓對六博。頤指玉女斟瓊漿。一朝揮手謝仙侶。輟走白龍翔八荒。只道三山常可到。誰知海涸塵飛揚。蓬萊方丈埋沙磧。金銀宮闕裁胡桑。珊瑚已枯鸞鴛死。使人對之心茫茫。行路難。天傾地坼眼底見。斷熬煉石非荒唐。悔不早娶邯鄲倡。白首貧賤守故鄉。

君不見東方朔。原是天上列星班。天公觴金母。簪筆充從官。帝旁玉女顧之笑。回車贈以青琅玕。雷公震怒天公宥。謫居人世金馬間。當時乘興出霄漢。誰識人間去不還。漢家天子重燒丹。白日凌空思羽翰。方朔在前不見用。空遣方士訪三山。

白玉爲床銀爲瓶。蛟螭屈曲盤黃金。上懸百尺青絲綆。轆轤曉轉鳴鳳音。青絲一絕不復上。井高苔滑何處尋。美人臨閣空歎息。欲往從之井水深。丈夫出世不稱意。不如銀瓶井底沈。雖遭困躓無人用。猶得美人憐惜心。

君不見滄海巨鯨出海嬉。鯨鼉汲浪紛紛隨。兩眼熒熒日月出。首簪三山舞傲傲。海邊居人天晝黑。旬日始知昆侖移。仙客乘槎要釣此。釣竿乃是扶桑枝。青龍蒼鱗作餌。脯明月爲鈎。虹霓絲須與牽之。出海水山崩海涸。鯨不知波濤。一失螻蟻笑見之。我增傷悲身非神。龍能變化不知蝦蟇藏濁泥。人生骯髒徒爾爲。

君不見湯池魚炎爛鼎沸。吹波戲君不見烟穴鼠赤燄繞身。瓜牙利。燕子本是菰蘆族。春來忽逐炎州翠。炎州火起翠鳥飛。燕子巢焚何處歸。萬物賦性各有類。何苦追逐與天違。行路難。君母憂。青天路闊去悠悠。慎勿將身火上遊。

君不見未央宮前雙銅人。雲中獨立何崔嵬。身承仙露入霄漢。金盤掌上高撐。君王深在閭闔裏。日暮雲端首重迴。鄴都新闢咸陽灰。詔徙銅人關東來。百丈雲梯升斧鑿。昆侖忽裂泰華摧。金盤塌空聲如雷。銅人自倒無人推。萬牛力盡不能去。遂令千古埋蒿萊。路旁觀者咸歎息。汨痕斑斑垂兩頰。行路難。君勿哀。此身異代不相用。不如委棄同塵埃。

### 長相思

長安八月梧桐飛。未央宮前螢火微。少君召魂有仙術。經營慘澹求光輝。張燈圍帳人語絕。翩如明月入羅幃。珊珊鳴玉昔環佩。嬌嬌輕紈舊舞衣。茂陵劉郎驚且悲。迫韓審睇是耶非。望見咫尺無由依。宮雞一聲燈欲滅。雲輶颯颯隨人歸。徘徊却步如有訴。東方忽白翻然違。少君亦至幃亦撤。使我旁皇涕交揮。長相思。肝腸絕。千秋萬歲會。有時傾國傾城難再得。

### 明妃夢還漢宮歌

日落沙飛畫角哀。海上單于獵未回。氍毹寒生眠不穩。夢魂飛入漢宮來。漢宮女伴

通宵坐。璧殿瓊樓天上鎖。博山爐裏香作薪。水晶簾內珠如火。複道層軒記不真。當時猶問舊宮人。每坐苑邊聞鳳輦。遙從花外識龍鱗。夢裏分明掖庭道。長門步步踏秋草。獸環叩處獨無聲。珠箔卷來塵未掃。竊窺文牕障碧紗。當牕青案放琵琶。琵琶一聲曲未絕。落盡階前夜合花。拾花臨階長歎息。別後猶存昔顏色。可知胡地多風霜。紅粉淹殘那比得。黃衣小使上陽來。口詔頻傳內殿催。君王已戮毛延壽。畫圖今日爲重開。徘徊却步正驚疑。誰將蘆管夜深吹。相隨獨有宮中月。還來毳帳照蛾眉。

與疾吟

秋八月茂溪墨民予方委頓牀席間土人扶予入山避之作與疾吟

我生丁世艱。壯志今已休。二豎還相侵。池館遂淹留。發難者誰子。有吏來見收。識時者俊傑。此輩安足謀。爾死諒不惜。恥被衆怨尤。深蒙父老意。掖我登高丘。

高丘不可陟。上有苦竹林。拾級幾千轉。矚嶺猶百尋。病夫筋力盡。倚樹聊呻吟。路旁有茅茨。日午鳴磬音。叩門開士出。嗟我何苦吟。烹葵以充飢。灑泉滌煩襟。幽幽一燈然。可以清我心。

我心不自知。忽在北山陽。樓我覆瓜屋。宿我藉藁床。夜半渴求水。冽如甘露漿。同伴

語。叟。似。欲。分。我。裝。趙。生。人。我。身。不。自。保。此。物。豈。得。將。殷。勤。舍。我。去。努。力。慎。行。藏。天。  
涯。一。病。夫。歎。息。增。悲。傷。

夜

紫。扉。疏。不。掩。禿。樹。喜。辭。鳥。隣。杵。自。高。下。村。燈。時。有。無。雨。翻。千。葉。亂。月。黑。一。螢。孤。靜。去。  
全。知。老。何。勞。問。鬢。

白雲庵中秋

游。子。竟。何。去。泛。若。隨。風。萍。夜。投。僧。舍。宿。籬。弱。戶。不。扃。慨。然。值。中。秋。耳。目。俱。杳。冥。秋。風。  
開。我。幃。屋。梁。綴。孤。螢。是。時。厨。火。絕。佛。燈。青。熒。熒。隔。竹。見。虎。坐。晴。燦。如。流。星。僕。夫。眠。正。  
酣。呻。暗。誰。當。聽。

入水口砦病中雜作

我。命。宿。何。宮。頻。年。遭。禍。難。兒。女。既。凋。殘。兄。弟。亦。零。散。二。豎。苦。糾。纏。晝。夜。寒。暑。換。肌。膚。  
漸。消。毀。魂。魄。忽。迷。亂。十。夢。九。到。家。所。親。殊。漫。漫。覺。來。呻。暗。聲。等。之。秋。虫。喚。同。舍。棄。我。  
行。野。人。還。見。歎。夜。分。與。鬼。鄰。所。願。天。常。且。

臥疾耳目塞。患至驅我奔。衝霧陟危巘。觸暑渡深源。兵戈隨路布。所過驚心魂。還聞前峯阻。解轍憩茲村。廢室出開士。乃是同鄉髡。延我以伊蒲。宿我以重軒。風物雖淒其。周旋則已溫。從此息行役。微軀庶以存。

村俗果淳朴。有門夜不關。四郊莽兵聲。此地獨燕閒。鳥鳴松牖白。磬止溪聲環。隔牆婦撲棹。鐸然落牕間。是時觀空坐。萬緣此俱刪。鄰曲亦時至。談笑任所扳。恕我病不揖。踞床相往還。擁被散素髮。飲藥汗衰顏。霍然心神開。爽氣來西山。

奄忽臥經旬。寒煥茫無主。氣力向衰頽。有杖何由拄。所嗟園圃荒。百蔬成焦土。屋上雙鳩鳴。颯然暮來雨。至夜有餘寒。展轉不眠苦。藥火向壁青。燈炷背牕吐。開幃入窳螢。拊床止門鼠。夜長惡趣歸。側耳西廊鼓。意中有精廬。莊嚴燦可覩。遙遙在江皋。安得凌風羽。

秋乾得雨看僧離種菜

入秋通不雨。萬象莽蕭條。荒寺一畦蔬。葉卷灌亦焦。甘瓜抱蒂死。兔葵依井凋。枯藤架未除。蜘蛛網蕭蕭。何意東風來。好雨隨飄飄。老僧倚檻立。意色若爲招。呼離荷鋤

出分畦理餘苗。疾夫久乏食。饘粥苦無聊。念此能發生。計日味已饒。僧廚既已充。吾  
餐庶可療。

病中示里人趙生培

同里未相識。邂逅聞江濱。荷子綢繆意。追隨甘苦辛。一冬長顚顛。踰踰歷三春。直爲  
飢寒故。短衣逐風塵。我心恃桑梓。意氣屢率真。子若好文貌。愆尤亦已頻。勿以江湖  
合。棄捐鄉土親。勿以年力富。棄捐憔悴貧。念我抱沈疴。天涯此一身。

酬剡水禪師出山問疾

西風振蒼林。白雲南山起。老僧雲中來。顧我松牕裏。一路踏秋聲。落葉猶滿腹。病夫  
困炎熇。爲說清淨理。所說無奇奧。精切心能喜。老僧六十三。方頤垂兩耳。霜雪皓蒙  
頭。嗽嗽有完齒。禪寂三十年。英雄心未死。振策暮還山。沿溪漱秋水。歸山何所爲。然  
燈夜讀史。

荒剎

荒剎何代構。蒼苔人不行。金像垂垂落。瓦花粲粲生。日午雙扉閉。時聞槌磬聲。窺戶



見老叟。諷頌作禮誠。山風吹袈裟。颯然秋草盈。鴿涼樓稅眠。鴉飢上階鳴。沙彌負米還。苦被雀鼠爭。有時厨烟絕。芋香逼夜清。持芋勸我飯。甘旨不能名。

憶家兄暨諸弟姪

抱疾輒思家。依依念茅屋。我兄兩三人。遯迹甘草木。朝出行田間。夕閉松牕宿。春月閒看花。秋水遠移竹。仲氏五十餘。頭髮已全禿。叔季更勤幹。甫能足饘粥。聞雞課僮。佃點燭飯牛。犢志在田圃。廣情怡子弟。讀伏臘聚同堂。斗酒聊停睦。喪亂寡歡娛。此樂豈猶續。有弟如飄蓬。曾向天南哭。

我家世清白。子弟里中賢。守拙晝長飢。論文夜不眠。下筆詞賦成。麗藻咸翩翩。我有四海志。離家動經年。桂樹山中華。貽我招隱篇。上言遠遊樂。下言早當旋。何意黨錮加。虛名禍與連。亡命去不返。遂值時代遷。盡室葬江流。一子阻風煙。大運可奈何。哲人避幾先。我行自觸羅。豈復咎人天。勉哉諸弟姪。閉戶宜益堅。

憶江村

我憶江皋野。玲瓏山水村。遠帆出林際。漁艇到柴門。卜居百年餘。鄰曲累世傳。春秋

祭田祖。神惠分雞豚。老父泥飲歸。扶持子與孫。雨暘相較量。耕作互討論。日暮炊煙接。今知幾家有獨滯。烽火間。悵望傷我魂。

敵廬面長川。堂構何草草。五世同此居。兒女更相抱。家貧閉戶遲。農忙出門早。門內殊局促。居者自云好。賊火徧江頭。大宅焚如掃。尙賴祖宗庇。蓬蓽獲見保。一去十年餘。忘却門前道。入室無妻孥。何以怡我老。

山阿有桂樹。郁郁秋舒華。隨風自零落。飄飄滿山家。零落豈足惜。惜無識者嗟。日午啓茅茨。籬弱牽蘿遮。松覆古屋陰。荷散清池花。遙見九芙蓉。隔江弄雲霞。雲霞常在眼。欲去道路賒。

江皋何逶迤。上有瀉鹵田。緣堤楊柳陰。遶屋桑柘煙。行人堤上息。耕牛屋後眠。春雨杏花白。農歌遍陌阡。耒耜呼兒習。桔槔使婦牽。紛紛稻花揚。田田荷葉圓。我欲摘荷葉。隔水招漁船。日午撐船去。日暮不能還。

季夏稻花歛。穎粟亦已堅。日暮築塲圃。夜宿塲圃邊。刈穫借鄰里。簸揚趁風天。開塲雞豚喜。拾穗寡婦先。努力輸公倉。終歲得宴眠。去家六七載。蒿萊大盈椽。近聞人力

完樹藝復依然。安得飄飄風吹墮柴門前。

泛泛閩川水。悠悠水中鱗。投竿臨水坐。却憶大江濱。大江深不極。網罟隨時陳。漁父穴江潭。年深與我鄰。得鱗不肯賣。携以餽所親。叩門我出酒。往往十年醇。亦有紫蟹肥。雙螯味絕倫。秋風黃花開。醉落頭上巾。揮手別漁父。不知幾經春。安得赤雙足。爲爾把釣綸。

別業倚小山。頗愛羣木拱。寒花何爛熳。老樹亦擁腫。柿赤綴秋林。麥黃被春隴。平湖籬外闊。遠岫雲中聳。一夜溪雨來。亂流石上勇。屋後暗松楸。上有丘與壘。兵烽頻歲年。豈無戕伐恐。落日一回首。使我泪如湧。

田野罕精廬。丈室誅茅搆。屋暗瓜藤綿。籬白豆花繡。老樹不知名。童童山門覆。園叟解持齋。小豎能習咒。星星一燈寒。幽幽點白晝。月吐出。定初雨來。鳴磬後。坐令身心虛。悟盡生平謬。北牕久不歸。松風終日奏。

岡巒莽回互。大澤涵其中。石門不容艇。長疑路即窮。忽聞溪聲大。潮來江水通。翠盤散菱芡。丹華耀芙蓉。青山水際浮。不雨青濛濛。偶乘三江棹。誤信萬里風。一去落天

滌負我溪上翁。

憶石屋方君實君則兄弟

蒨茨倚青山。香剎傳石屋。丹竈仙人遺。金像唐時肅。小橋穿深松。閒門映修竹。蓮社二妙開。蘭畹三秋馥。月湧隴江濤。雨掛前峯瀑。醉踞盤石歌。靜倚高牕讀。十年互分飛。逝者半相逐。池殘亂後花。澗倒焚餘木。遙憶溪上居。屢就衡門宿。沙路好携手。郊原時縱目。若矚海天雲。定悲游子獨。

憶龍眠

遭亂以來諸子不聞者數年矣曼公鑑在雖同流  
落各在一方因克威之變追念舊雨不禁泣然

龍眠君領袖。一第早飄零。身命同磨蝎。談諧本歲星。姓名行屢變。醫卜試偏靈。菁峒窮棲處。哀吟誰與聽。方曼公

短檠孤詠夜。憔悴憶方干。族大辭人熟。身羸苦夏寒。詩書經亂廢。車馬隔籬看。故里田荒盡。悲君去住難。方奕子

零落山中伴。艱難亂後身。交游連黨禍。亡命困風塵。慎勿慚名父。惟宜養寡親。三都孤館夜。風雨共何人。左氏兄弟

十年同出處。亂後數偏奇。作吏君先達。從龍我後時。艱難千里共。心跡兩人知。扈蹕揮毫夜。雄文更憶誰。吳鑑在

難餘誰共事。對酒憶劉生。禍以交親累。名因與黨成。舉家啼海岸。四壁阻江城。念爾同門友。殷勤亂後情。劉臣向○方直之與臣向最善時邸其家併及之

### 憶武水

魏塘東去路。一望一銷魂。宅傍梅花墓。人稱武肅孫。半年潛複壁。盡室徙南村。亂後頻嬰難。今知尙幾存。

### 憶白門

伊昔白門廡。流離荷伯通。王孫居巷北。謂李水每日過牆東。粒絕貧相餽。詩成誦得雄。酒罏還在否。可是舊黃公。

### 水口砦即事

邨巷戶不開。荆榛橫廣陌。往來無民人。帶刀與荷戟。大第罄追搜。肯復漏草宅。入門婦女奔。雞豚恣所擇。路旁縛翁來。手指園中麥。義師需糗糧。餅甕豈得惜。語罷還怒

嗔竭。力供筵席。厨舍已如掃牀。頭復何積酒。酣方出門。猶逐鼻難射。

聯橋溪上來。日落吹橫角。泊舟指烟火。未令居人覺。刀稍森滿街。銀鎗紛在握。須臾鎖人至。狼藉事鞭扑。問是富家翁。逋逃還見捉。富人雖有金。追呼亦已數。膏腴既蕩盡。豈復惜曉曉。人生兵革時。壽命有何樂。

日出雞犬靜。街市聲沸喧。壯士何趑趄。闌開大宅門。門內設帷幄。門外營伍屯。大宅索金帛。市人供饗殮。壯士且勿怒。聽我進一言。所爭在城邑。豈必駐一村。村中無寇盜。一二民人有。寇盜宜見除。民人幸可原。戰鼓聞前山。同仇當赴援。努力載糧去。幸無見賊奔。

江上人來索家信不得

飄泊三年久。鄉書一字稀。萍踪誰與悉。旅櫬若爲歸。草澤人猶滿。田園主未非。幾家還梓里。何處問柴扉。祇憶松楸冷。長愁門戶微。天空迷鳥道。江折隱漁磯。關山今又阻。從此雁難飛。

九日策杖溪邊廢閣

重陽無賴臥僧家。小閣臨溪杖可擎。一病心唯皈白法。三年夢不見黃花。憑欄水落蹲奇石。隔岸灘鳴放釣槎。回首故山莧酒熟。那堪烽燧萬層遮。

偶感

秋盡峰高鴈不飛。吳門宿草兩年違。應憑幽夢還家訴。敢信青山引旆歸。客夢幾時離大澤。佛燈何處照靈帷。九原聽得磬聲急。曾記狂夫未授衣。泪盡吳江八月槎。更堪衰病困天涯。門依獨樹常驚雨。秋老重陽未見花。五夜夢來同是客。九泉歸去已成家。經年腸斷無人見。祇怪西風送鬢華。

泛舟富屯訪友人不值

富屯驛延平順昌縣

臥疴歷三秋。朔風今已深。灘聲喧夕陰。扁舟去何疾。問此爲誰行。佳人在蓬蓽。不購滄海樵。且抱隆中膝。青翰事招尋。籃輿與我失。惆悵獨歸來。滿江吹鬢栗。我回山陰棹。空與佳興違。逆流拒我楫。寒風吹我衣。牛犢望烟去。鷗鷺傍人飛。縱橫馳巨艦。飄飄揚戎旂。此豈能撥亂。但肆掠奪威。人民苦思漢。屬望今已非。何計安人民。早慰渴與飢。

桐山歌贈鑒和開士

桐山蒼蒼溪水碧。芙蓉萬朶秀可摘。紅樓香剎遍山開。復有精舍家家闢。吾師不受朱門供。樓禪只在栲栳峰。夜坐峰頭望兵氣。赤脚走撞天堂鐘。相達怪爾去鄉早。還記當時車馬道。十年流血遍桐溪。爾在天堂誦經好。祇今桐山塵不飛。祇今閩海盡戎旂。烽火茫茫關路塞。却望桐山那得歸。我持拄杖夜擊鼓。願爾道場度諸苦。氛消霧淨向江天。桐山破屋眠風雨。

詠物

落落孤光小。宵深照獨飛。吾衰同腐草。何處燦餘輝。螢  
旅鴈排霜度。孤飛厭後行。南征各得伴。肯不到衡陽。雁  
瘦馬無人喂。秋山放不回。哀鳴君未聽。原是舊龍媒。病馬  
秋虫尋不着。入耳有哀音。靜處無妨語。床前伴我吟。螢  
水翠容光燦。迎風戲不飛。偷睛窺白小。莫認是忘機。翠  
松案瓦花乾。竹牕爐火死。老僧入定回。落葉埋雙履。僧



僧舍

倚杖立蒼茫。灘聲急。夕陽鳴榔隔岸歇。遙問是漁航。  
點燭談峨眉。老僧親剝芋。蟲聲草際移。始覺松牕雨。  
驟雨兼飛葉。隨風打暮牕。夜深藥火絕。吹簫就寒缸。  
擁衾衣桁單。種火佛燈滅。山僧起撞鐘。知是前山雪。

閩江竹枝詞十首

頭白篙師劇可憐。上灘百丈水中牽。插旗打鼓中流下。爭避官軍載馬船。  
灘上漁人喚不聞。持竿放溜醉醺醺。鷗鷺新自吳興買。銜得魚來重十斤。  
老農辛苦上山佃。日午揮鋤倚樹眠。遍野牯牛千石力。椎來作脯不畊田。  
閩山深處少人經。尙有前朝舊宅扃。一代錢刀都不用。街頭只數宋熙寧。  
小婦盈盈初拜堂。如花顏色怪梳妝。步頭斗大低頭戴。翠鳳金釵壓幾行。  
秋盡霜零葉未飄。風吹甘蔗響蕭蕭。空山絕磴無人過。榆桷參差巧造橋。  
清溪翠竹抱山隈。梵宇琳宮相望開。處處香燈供老佛。世尊終歲宿塵埃。

天氣冬暄見雪稀。海風八月弄寒威。蠶桑此地稱奇貨。終日逢人白紵衣。  
流泉接竹遶人家。豆夾瓜當任點茶。屋上秋蘭十數種。不知花譜喚何花。  
每上漁船愛水清。一灘纔過又灘鳴。橫溪怪石峻嶒甚。想見人心不肯平。

痛起言志

昔我與疾來。三秋猶未半。展轉藥爐間。朔風候已悍。晨起攬明鏡。素髮盈頭亂。蛛網  
緘竹牕。蠹魚走松案。倚杖柴門前。南山蒼可玩。楓葉何飄零。烏柏亦凋散。淹臥累旬  
時。頓令耳目換。氣候潛變移。衰謝良可歎。

人生夢覺間。常苦不知足。一病連秋冬。累旬滯床褥。獨有怖死心。無復口體欲。如何  
二豎辭。頓覺飢寒酷。夜眠嗟薄衾。朝饘怨脫粟。往往故態生。時皆熱腸觸。達命今猶  
茲。安得哂塵俗。

少小盛才氣。作事好單特。借軀報交仇。功成不見德。使酒武安筵。長揖博陸側。賈充  
遭醉罵。褚淵苦凌逼。時勢一朝變。奸雄肆羅織。黨錮禍方張。覆壁何能匿。游戲吳閭  
門。緹騎捕不得。降柳塞烟塵。妻子委溝洫。家隕身亦危。寒餓竄荆棘。亡命入閩關。兩

府爭物色。屢荐羞請對。一命濫茲職。大運雖已乖。微節豈敢忒。絕迹遯山阿。憔悴無人識。悵念平生遭。涕泪沾胸臆。

過漢埠

滿目悲荆棘。侵霜夜渡河。野狐當畫出。市虎何人過。白髮經秋少。朱虛變姓多。此生甘許國。側目奈予何。

有江西悍宗  
欲修怨於予

駿溪道上書所見寄鄧子與孝廉

車前父老苦相催。羸馬空山去復來。墟墓欲頽松樹倒。柴荆閑鎖豆花開。天陰魑魅逢人笑。日落豺狼得食回。永夜城頭吹角慘。安民爭得仲華才。

沙縣書懷

逃虛歷歲苦遭熏。一榻空留谷口雲。市井蕭條迎舊吏。山川憔悴候將軍。燕巢春夢逢人喚。鼠穴笙歌伏枕聞。慚愧凌霄江上雀。底收霜翮亂雞羣。

永安舟次

兵起收羣盜。溪邊夜可行。泊舟秋草市。賣酒舊瓜棚。遠寨傳雞唱。中流亂馬聲。渡頭

燈火絕。孤月坐來生。

溪夜

駐。楫。山。容。淨。寒。潮。夜。落。灘。亂。來。漁。艇。少。烽。定。鳥。巢。安。露。濕。移。舟。重。村。空。得。酒。難。岸。邊。茅。屋。在。籬。壁。已。全。殘。

灘上

亂。石。拒。中。川。奔。流。東。西。拆。獐。如。猛。獸。蹲。矯。若。蒼。鷹。掣。其。陰。下。深。潭。連。崖。巖。積。鐵。向。陽。何。皚。皚。琢。玉。堆。寒。雪。玲。瓏。造。化。工。鏗。沈。風。湍。囓。雷。聲。喧。鬥。爭。衝。堅。勢。欲。決。得。罅。棄。之。去。餘。怒。恣。盪。撇。舟。楫。凜。生。愁。登。眺。紛。可。悅。遙。見。上。灘。船。牽。纜。常。恐。絕。同。心。幸。能。濟。羣。力。亦。已。竭。羨。彼。垂。釣。翁。獨。倚。巖。際。閱。

夜過貢川

崎。嶇。迷。老。馬。夜。氣。白。還。明。宿。鳥。驚。人。起。遙。燈。過。水。行。山。川。含。國。恨。市。井。雜。軍。聲。去。歲。秋。風。急。登。陴。此。際。情。

獨漉篇贈龔仲震

仲震自漳州扶貧公視困於貢川

獨漉獨漉。水深石大。逆水西上。激我舟破。兄弟棄家。遠奉庭幃。一朝父死。失路分飛。身犯白刃。以代老親。斫頰斷指。右手獨有。哀哀扶輿。行乞江濱。父死不葬。何以爲人。我有雄劍。夜夜龍吼。贈君報仇。取血漚酒。遠望鄉土。山川阻長。一日三哭。使我心傷。

永安卽事

永安城初破。羣卒暴亂。久。豈惟殺傷多。十室九無婦。纍纍向城啼。掩面羞回首。親戚譴贖還。安敢即開口。竭蹶酬所值。但得老與醜。永安僻小城。聚積亦已厚。羅綺委溝渠。金珠或至斗。妻子屬他人。此物復何有。搜漁及墳墓。噍類盡雞狗。昔時富家兒。伏地據兩肘。凍餒或可堪。凌辱殊難受。此鄉好文物。亦復重師友。頻年防賊衝。甘心爲死守。城破玉石焚。哀哉伊誰咎。

蓮子峒

躊躇綠林雄。殺人何草草。長技在掠奪。迅若疾風掃。窟宅蓮子峒。官軍漏征討。今來張義旗。出入恣所擾。得志傾巢來。捲地欲未飽。已覺井邑空。轉悵市廛小。千隊忽出城。沙飛城南道。四郊無人居。田荒屋亦倒。骨肉盡爲俘。蹂躪何時了。殺氣瘦浮雲。長

戟阻飛鳥安得主帥明散爾歸田早。

不合行

城大江何應佑招蓮子嗣賊攻破永安城大掠子往劫其戢兵幾爲所殺

男兒不合生慷慨皮骨欲盡項僅強游戲虎穴此危道何苦鋒刃相激昂萬事轉軸誰能料褒衣大冠迂可笑昨日皂隸今乘輿公然抗禮爭容貌猶猶肝人盜跖雄堂堂殺氣怪生風血肉淋漓羅几席一言相失雙睛紅昨日語難瞋目久霜刃霍霍掣在手從容理奪路人驚雞肋何心脫虎口歸來返顧氣轉索七尺相看何太薄男兒軀命有時輕枉把隋珠浪抵鵲

返貢川邀陳景和何文卿張長卿趙崑石小飲

避地憐同好開樽夜語長風塵看鬢髮涕泪睹冠裳德是鹿門舊名從虎穴藏眼前無大耳何必去南陽

諸君子將有建寧之行

悲順昌

順昌小縣如花女三更城破猶鳴杼牧豬小兒擁登車昨日朱門聘未許晚霜凍血雜啼痕爺娘對面不得語兄嫂縛去無消息那得親人來救汝

哀哉行

沙縣昔富盛。苦遭墨吏虐。開門揖義兵。如何反驅掠。銀鐙遍郊原。旌幟塞城郭。誰憐富家兒。出門行帶索。富人何罪辜。累累馬前縛。大麥死溝塍。抱飢不得穫。賈販乘朱幡。倡優充鈴閣。王侯遞稱尊。笙歌相間作。戎馬百里間。居者自云樂。如彼魚遊鼎。如彼鳥巢幕。欲諫反見嗤。哀哉汨潛落。

百折行

丁亥冬虜沙縣遇土賊劉述之難既絕復甦

百折此生休。問天城隅狼藉劇。可憐永安虎口甫能脫。沙縣刀頭又見全。滿城弱肉互吞併。我獨何心。惜民命。白刃豈念頸項強。生還始羨頭皮硬。當街蹴踏刀杖加。父老走泣羣將譁。城門將近鼓聲急。國王拊膺救不得。已擬風起鬼伯催。那識沙昏天晝黑。羣兇豕散吏民呼。誰者負我走通衢。筋骸支離無完骨。今茲曳杖神明扶。倚杖廻思心寸絕。死灰誓向他生熱。城南城北遍冤聲。耳中悽愴眼滴血。

城隅臥病

負郭三間宅。孤燈萬里身。裹瘡尋老衲。送藥謝居民。鬼嘯知年近。鼠飢諒客貧。夢回

雙眼在天許作殘人。

興國寺

幢幢燈影照匡牀。夢醒西廊清磬長。深竹禪房通夜叩。野人送藥裹刀瘡。



藏山閣詩存卷七終

藏山閣詩存卷七終

藏山閣詩存卷八

桐城錢秉鐙飲光著

龍潭室主校刊

生還集戊子上

戊子元旦

除夕順昌復陷

曉色荒荒氣浸濃。杉關何計一丸封。半年常見雙峰火。雙峰順昌縣名三戶重銷五夜烽。城上烏啼稀擊柝。帳中兒醉不聞鐘。殘生敢問綢繆計。好去尋山趁短筇。

新春過陸太學村居

出郭村烟競歲華。籃輿移病野人家。柴門烽過迷三徑。草閣書殘混五車。谷鳥數聲。荊棘夢青山。幾點亂離花。寸心折盡惟高枕。無那黃昏戰鼓擣。

夜過新寮田家

壞道防兵過。高低石徑遙。春疏知有舍。火近忽無橋。犬吠夜深近。蛙聲月黑驕。野人愁失路。倚杖候南皋。

山剎人日

亂中春不霽。避地爲安眠。僧舍逢人日。童謠忌子年。山林私疾病。花鳥亂烽烟。鄉夢隨時少。吾生祇信天。

元宵

閩海春三度。何年此夜晴。孤燈然客恨。片雨入鄉情。野廟求神語。空山見火行。病餘眠不着。泪滿曉鐘聲。

興龍庵

避地經三徙。中峯我再登。兩年山下路。一念佛前燈。兵火欺巢鳥。軍糧算野僧。懸厓人絕處。莫令長蘿藤。

雨徙鄧村

剛澮新成路。春山趁雨犁。白雲猶鎖屋。流水正奔溪。草際樵人應。山邊去鳥低。不因收犢返。定向此中迷。山路披榛得。荒籬漸欲無。碓喧溪口急。橋倚石根孤。鵝鴨尋羣浴。牛羊失伴呼。晚來田務畢。洗足羨農夫。

牧童詞

野老朝起早。送牛出柴門。倚門囑稚子。慎勿離近村。騎牛穿坂去。同類聚正喧。得類任牛放。豈復憶翁言。大牛下溪臥。新犢沙上奔。不知遠與近。隨路嚼草根。隔林遙相呼。白牯過前墩。殷鞭叱之返。晷罵理亦存。老翁吟不歸。裹飯候黃昏。

漫興

籬落參差出。孤吟水上樓。高牕時見虎。深巷早歸牛。白米經年飯。香膠隔歲留。輸租冬已了。縣吏莫苛求。

林僻驚人過。山空獨往遲。花鈿仙女幔。雞黍土神祠。微雨不開戶。白雲時在籬。野翁來餉客。馴犬亦相隨。

一枕淹春色。經旬苦晝陰。鶯花游子夢。鮭菜野人心。畫壁雨痕破。齋廚雀角侵。柴扉依絕澗。鎮日有清音。

山居酬危秀才見訊

出郭春全過。幽情問薜蘿。閉門新雨足。高枕白雲多。屋廢尋僧住。籬疏見虎過。野人

時送酒。不醉欲如何。

欲訊山居課。尋蘭。註楚詞。倦吟開閣少。中酒下山遲。臥枕神仙傳。行看樵子棋。兵氛聞又熾。莫遣病夫知。

### 高橋新庵

磴道緣溪上。聞鐘路轉迷。犬迎銜杖舞。馬歇映林嘶。急雨山腰挂。孤雲洞口携。一僧年八十。祇在絕峯棲。

### 力疾入大田紀事

大田屬延平府明置

林臥盡三春。曠然耳目阻。父老城中來。謀知虜將舉。兵烽窮四郊。此豈有寧宇。頗聞田陽邑。不滿千餘戶。僻在萬山中。至今猶安堵。往依門下吏。避喧庶得所。我病奄十旬。聞言似欲愈。巾車渡駛溪。停軼趣徒侶。窄磴不容轍。削壁疑經斧。櫛楠石上陰。蟠根卻寸土。簪簪子規喚。啾啾猿狖語。澗草吹異香。崖溜結靈乳。有人榛中出。帕首腰毒弩。前驅者居民。輒復頸項組。五里一置寨。守望本固圉。恃險轉爲暴。往來戒行旅。夕陽見遙峰。岵嶸赤燄吐。明當從此度。未發意先沮。詰朝侵霧行。混茫一何覩。我馬

筋已緩。我僕力爲努。黑沙莽崩剝。斷石錯白杵。礦穴久虛無。地道尙枝拄。此祇勞害民。國用何所取。過嶺忽周行。壞道新春補。戎馬利馳驅。開鑿誰能拒。民力豈不艱。見之心益腐。下山望城郭。落落如村塢。白晝語狐狸。過市嘖豺虎。縣吏即土人。擊斷鄉曲武。朝見巨室兒。亭榭灰一炬。此家豈金穴。城小乃見數。多金何罪辜。嬰孩罹鋒距。羣凶飽殺人。我來殊莽鹵。當門訐者誰。問之輒逢怒。僕夫思門爭。堅臥持不許。幸以門吏勢。微軀未敢侮。轉思沙縣民。倉卒猶戀主。明晨定返轡。仍尋舊林藪。寄聲謝父老。空此奔馳苦。

### 大田道中雜作

藁茸草樹障春天。獨叱單車萬嶺顛。驛路村空行帶火。官亭井廢遠求泉。鵲鳩聲苦雨將至。躑躅花攢紅欲然。山寨牛拋三月過。出郊一半未畊田。奔泉繞路筍輿賒。岩草香疑海外花。怪乳滴厓鳴翡翠。枯藤走壁掛龍蛇。射將風婦堪供饌。撥得蜂雛與點茶。風俗昔傳文物盛。烏衣今見幾人家。廢堞荒譙半似邨。人煙散盡成樓存。城空早避將軍怒。縣僻方知長吏尊。得食豺狼

爭穴門。嘯風山鬼弄燈昏。成蹊虛有花千樹。一任芳菲不向門。  
邑人多在門下

閏三月返自大田阻雨蕭寺書壁上

無端荒寺駐征鞍。山雨朝寒一放眠。佛案苔侵香久斷。齋廚竈墮火難然。鳩聲辛苦三春暮。榕樹陰穢四月天。夢到太平鷄犬靜。青簪結伴種僧田。

阻雨乏糧

布穀聲中春雨濃。竹林僧去啞晨鐘。炊烟不起村常靜。野碓忽喧水自春。鷄犬遠移先上砦。丁男潛伏只棲峰。朝來絕粒飢堪忍。莫使耕時誤老農。

野寺有懷廣陵友人

空山無伴獨停車。苦竹鳩鳴暮雨斜。入院尋僧開臘酒。凭軒憶爾試春茶。人來閩海難逢雁。家在揚州慣看花。誰念獨眠峰頂寺。分明城郭白雲遮。

北門行

北門人走沙縣破。我僕散盡誰能那。胡馬驟雨繞山來。荆棘拔翻手足癢。夜到人家不敢留。望見城頭火光火。道旁老父渴求漿。倚鋤邀我入門坐。新酒在甌伏雌肥。苦

讎脫粟聊充餓。自言入市識府主。懾伏強梁通邑荷。搖手語兒勿高聲。新婦讓床草。草臥明朝雨止。雞未鳴。我昇籃輿送君過。

返橫坑

嗟予困虎穴。十日始得奔。相距百里間。鬱紆丘與原。逶迤出間道。荆棘恣扳援。一身盡狼狽。何意還茲村。返景射山坳。黯黯見柴門。松竹無人過。鳥雀方聚喧。我無親與戚。所恃吏民恩。不見游子返。剪紙爲招魂。叩門驚我在。悲喜動鷄豚。父老滿邨至。問訊羅酒樽。對酒夜不寐。且爲父老言。憶昨虜猝至。沙縣塵晝昏。我從田陽來。未至衆已奔。胡馬驕如虎。追奔草木翻。矯翮弋去鳥。投崖鬪窮猿。雄劍左右掣。叫呼聲正冤。瞬息諒必死。無翼何由騰。待逝慮以盡。觀空心獨捫。豈有鬼神力。幘幘令我存。曠然乍生時。初如鳥出樊。山空絕林籟。耳際但潺湲。十步九仆蹟。困坐孤石根。亂草迷人跡。空桑得壺殮。野父導我竄。夜深鬼火繁。列炬耀城頭。荒鷄喔廢垣。失路晨雨澍。漫谷白雲屯。踰踰尋烟宿。箕踞土人尊。抱飢滯笱寮。四郊勇就髡。隔水不得渡。欲語聲還吞。物色者誰子。一飯哀王孫。黃緣遂兔脫。豁達破瓶籩。高山何盤盤。流水何渾渾。



引蘿度峻嶺。解衣涉深源。仰視青雲上。遙羨白鳥軒。頓地逢田叟。憫我手足痕。植杖  
敗荆扉。新酒進瓦盆。煖湯百脈和。襖被四體溫。詰朝轉蹢躅。舁輿命兒孫。漸覺陰翳  
散。甫知天氣暄。經時至茅屋。慟哭如故園。作禮樵牧意。酬酢寧厭煩。父老且勿慮。艱  
辛不足論。江右已返正。義聲動乾坤。蠟詔自湖南。吾當往叩關。努力謝父老。高義誓  
勿諉。

間道奔江右發橫坑卽事

間道草木深。晨起戒征轍。兵戈雖森眼。我志則勇決。田叟四五人。倚杖溪口別。幽幽  
雜樹林。冥冥啼殘鳩。修竹送清陰。流泉去鳴咽。時雨前山來。瀑布還噴雪。行撈浩縱  
橫。徒侶悲蹢躅。竟日無人踪。即恐前路絕。掉頭霧總迷。解衣寒欲徹。僕夫苦不前。我  
車馳且輟。世亂莽畏途。艱難可不挈。此輩土著安。從行義所切。松杉夾道直。石筍平  
地揭。烏雀滿廢村。屋倒門猶閉。人去確空暄。烟稀食屢缺。呻暗見寡妻。瘡痍正流血。  
翻思困賊中。寸息真忝竊。關外峯遙青。與人指我閱。喜極還自疑。公然脫虎穴。落日  
見荒城。燈火乍明滅。每疑山鬼迷。更苦居人訐。我生值亂離。憂虞焉得說。

過將樂縣

飄風激沙礫。曜靈慘不舒。我行升虛邑。空國無人居。頽垣穴狐兔。赤瓦夷溝渠。徘徊不能過。問此爲誰歟。鑄城本富縣。往來停征車。人民溢街巷。燈火耀里閭。戎馬肆蹂躪。兵寇交焚如。存者今幾家。猶是烟燼餘。上有半焦椽。下有燒死樗。昔爲燕雀厦。今成樵牧墟。城頭生苦菜。城脚種瓜蔬。門有臥病人。似是縣老胥。見我遙相識。欲起還趨去。去去勿復問。淚落沾襟裾。

萬安寨

山路草茅塞。荆榛穿匹馬。村塢低夕陽。行人小曠野。瓜死去年籬。蘿乾古時瓦。茅屋咽哭聲。一二老妻寡。此地經兵烽。山川至今赭。田禾老未栽。農月行已夏。山寺歸然存。松風吹瀟灑。幡殿龕燈滅。苔蝕殿鐘啞。門仗居士閑。壁聽游人寫。睹茲土木頽。併識象教假。夜深無酒沽。皓月虛盈把。

旅夜聽莆田山人彈琴

荒燈然古寺。夜靜一琴鳴。何意青烽裏。重聞白雪聲。感同寒月淡。夢與曉鐘清。世亂

誰相賞。能令殺氣平。

和平街

客從雙峰來。道阻絕行車。移步牽荆棘。捫足頻咨嗟。路旁無居人。所遇行負戈。往來應搜索。不堪其叱訶。啟門見炊黍。衆飢爭欲譁。婦女鳥奔散。老廢或在家。數錢酬一飯。長跪涕滂沱。此輩威劫久。安忍聲色加。干旄相絡繹。誰能辨瑜瑕。行行至斯里。大第分建牙。圖書任狼藉。積聚委泥沙。闔室去爲幸。遑復惜其他。離離牆上草。蕭蕭瓦溝花。歷夏田未種。稂莠雜生禾。過時而不耕。秋飢寧有涯。最苦宋家兵。搜殺遍山阿。下窮野鼠穴。上殘飛鳥窠。白骨森井巷。臭穢不可過。諸君幸仗義。慎勿隨其波。本除戎狄虐。豈厭人民多。好生乃天道。鬪狠安足誇。

哀邵武

我行樵川道。樵川縣邵武縣十日無雞聲。籬欹路亦斷。麥死田未耕。野雀噪虛籬。炊絕何由生。有翁草間伏。見人如鳥驚。屢喚不回首。恐是豫章兵。豫章兵亦銳。主將亦有名。者爲揭中今春大出師。曾一近郡城。是時義聲震。志在開門迎。城外忽奔北。勢潰無

枝撐可憐。內附者鋒刃。駢首嬰攻城。旣失利。攻野肆。撈掠居積。旣以盡。搜括罄餅。此豈主將過。或未紀律明。嗟哉烏合衆。約法安能行。

### 翠雲峯初度

兵過關路絕。窮樓僧刹古。老樹焚再生。巖花落更吐。寂寥初度辰。廉纖經旬雨。霏殿暗龕燈。侵廊啞信鼓。稽首禮空王。我生是誰主。今晨三十七。所歷遍諸苦。身名雖未虧。死喪竟何補。幸際天日開。春王朔再覩。從此得歸歟。黃帽歸淨土。

### 書懷

露布宵傳動地歡。驚魂疑是夢中看。已聞甲子稱周朔。還在丁年見漢宮。七澤旌旗催早下。五溪車駕肯偏安。孤臣兩鵲垂垂白。好去青山戴簪冠。

### 出黃土隘

三年困閩嶠。憂心一何癘。周原聘戎騎。窮巖森義旅。田蕪疇以堙。村墟烟不舉。路逢飢餓人。驚走如竄鼠。嶽嶽度閩隘。戈矛屢見阻。雖懷餽餼憂。寓目好禾黍。時有婦人汲。或聞農父語。且喜稻花揚。寧辭草根煮。溪聲盪煩襟。微颺散餘暑。茅茨見夕陽。返

顧。慰。徒。侶。今。宵。解。帶。眠。斗。酒。不。負。汝。

熊村被掠

出關吾意放。落日畏途偏。豈有戴淵念。應無李涉賢。風塵新白髮。燈火舊青氈。多難淹三載。爲貧驗一肩。宦悲游子薄。裝動健兒憐。野寺尋鞍馬。空山亂卷簾。琴書留嘯咏。枕被失安眠。江路今如此。前程意惘然。

壽昌寺禮開然禪師

十年行脚路茫茫。落日青山見壽昌。羯鼓破山初入定。獅王開院夜焚香。橫拖拄杖看春米。倒捉鋤頭上講堂。閱盡艱難生死細。遮回佛手拜繩床。

雨後

雨餘高院開。追涼信我足。清池散妙香。一徑入空綠。泉奔鬪壑厓。蟬斷遷枝續。流雲收夕霏。遙黛獻新浴。倚杖破蒼苔。拂碑削寒玉。持此清淨理。暢彼幽遐矚。鐘聲掩暮扉。僧房紛點燭。

香飯吟酬韞公見贈之作

人生粒食先淡泊。殊絕嘗者豈不知。苦被肥甘竊雕盤羅奇珍。快意腥與血。至味久沈淪。難向迷者說。我從風塵來。閩關旅食缺。息影寄僧廬。齋心漱巖雪。豈惟耳目瑩。已覺肺腑冽。聞鐘始入堂。結咒方下咽。捫腹漸空虛。入口發禪悅。伊蒲擅昔稱。瓜蔬隨時設。妙香何處生。悠然粲鼻舌。稽首問石公。此義了可揭。石公笑不言。放鉢恣吞齧。

頌壽昌花和鄧侍御壁上韻

本閩中閩稱懸空吐  
蘇侍御錫以嘉名

幽蘭異種閩中見。佛院嘉名多史加。自向虛空呈色相。肯將根莖帶泥沙。風霜飽處深含馥。枝葉枯時妙吐華。解道禪心無住著。講壇何用劇天花。

看閩然師塔前除竹

初壽昌師閩語錄  
有云大好山遂悟

竹篠陰陰覆塔寒。親持利刃斬琅玕。我心留把紅塵隔。師意除教法界寬。不許秋聲敲石戶。更無月影到闌干。門前大好山。光在開眼虛空便得看。

贈智夢禪人

香刹映清源。鐘聲連古道。入門覺華舒。門門山色好。吾子儒者裔。經史恣探討。得夢

悟無生。秉智辭煩惱。已覺禽向遲。媿彼安遠早。我來叩禪關。丈室踏芳草。聞香淡身心。披帷失懷抱。頓令羣業驅。豈惟俗塵掃。鄙志溷風烟。素志久枯槁。與子期白雲。妙明永相保。

看僧移花

秋并含芳蚤。爲憐沙草埋。却逢關士惜。移向藥欄栽。生意承香雨。深根護碧苔。喧塵今不到。好在靜中開。

池蓮

涼風吹碧沼。菡萏散華簪。萼向無人吐。香從何處尋。莊嚴敷妙法。清淨映禪心。露下蟬吟斷。幽芳此際深。

即景

出院齋時晚。鐘聲下夕陽。牧歸荷作蓋。漁纜竹爲檣。洗菜尋溪見。加衣出定涼。同流吾已久。何意聽滄浪。  
良苗矜暮色。一望綠雲平。處處聞農唱。田田放水聲。葉齊沾雨足。花細受風輕。豫審

豐年樂。江皋憶昔時。

暑中同韞公過寶方寺

襪襪尋鐘至。衝炎度翠微。問泉尋竹筥。選樹挂荷衣。籬犬吠還臥。巢鳥啞不飛。遙知  
僧定處。冰雪滿禪扉。  
寺壁溝塍遠。山僧自叱牛。稻花繁袖落。菜葉逐溪流。鈴止千峰靜。燈明一點秋。回瞻  
來處路。赤日正當頭。

訪別峯室僧不遇

獨木橋通處。瓜藤覆竹扉。鴉巢窺食近。人跡印苔稀。厨宿松花飯。牆留薜荔衣。朝來  
持鉢去。言到日西歸。

江城感事 戊子九月作

章貢雙江梗不流。兩勳旌節在虔州。謂官乘勝趨牛渚。何取攻堅頓虎頭。五嶺聞風  
歸正朔。孤城背日作邊愁。中興時異承平計。誤擬文成據上游。  
下 虔江人謂王文成公以制江必欲破虔始



拂廬毼帳徧西山。杖鉞登陣對壘間。天馬夜嘶流血汗。鬼神陰怒見噉顏。共傳漢壽

宣威久。

相傳關壯繆出助戰得大捷

又見杉關整旅還。好駐兩湖分騎角。漫提兵馬聚城闌。

郭帥天才

自杉關旋師竊以不宜送入會城

滕王高閣迥含烽。巨壑長圍定幾重。心向海天撈日月。手携風雨獻蛟龍。蠟丸再覩

春王朔。鍊券重頒大國封。扈蹕詞臣誰草詔。曾無涕淚灑兵農。

兩助初以隆武號舉事詔至稱永曆二年

而改豫國為昌國建武為繁昌似非所以勵忠也

羽檄星飛大將壇。江南江北盡衣冠。家家牛酒遲戎旆。往往旌旄盼漢官。豈謂樓船消息斷。重教邨郭吏民殘。海門東去烟塵接。回首鍾山掩淚看。

曾吏部

鳳山名亨應撫州人

臨川昔多英哲人。遇時輩自挺冰雪操。不受床前誨。毀室祭義旗。師少戰士倍。所悲國事非。寧惜身家碎。天運一朝回。日月還昭代。志士睹中興。斯人獨不逮。疇昔關弓仇。至今撫膺悔。來往公舊居。榛墟生感慨。

建昌守

王兩鵬名城臨江人城潰赴楚不風而死

昔過三衢市。狼狽史司理。史名夏隆爲言吁城破。我走太守止。縞衣者少年。云是太守子。凶耗傳未真。旁皇失坐起。雖無涕淚懸。意色不忍視。今聞吁人言。捐軀公素矢。被縛入武昌。還聞罵賊死。骸骨委江城。親戚復誰恃。不知縞衣兒。曾否負歸里。

新城令 李翔邵武人

吁江馬初嘶。黎川火已徹。將軍畫閉壘。高宴歡未絕。永勝伯鄭縣令夜登陣。殉城志早決。自言出關來。豫與家人訣。敵來將已奔。城空令徒設。矢受南八面。衣滿稽紹血。所祈民命全。甘靖小臣節。朝廷未知名。里悲常嗚咽。或云夢爲神。位與睢陽列。新城人極

留髮生 許城有書生不肯薙髮。囚之。令其自擇死。與髮執善。詰朝請曰。寧死不願髮。遂斬之。

黎城城外痴男子。誓斷此頭髮。不毀一夜。囹圄千載心。明朝裏。憤赴西市。

聞嶺南信志喜

翠蓋霓旌常在眼。三湘百粵久無聞。羽書快捧江西捷。露布驚傳嶺表文。霧散庾關開。漢月風清瘴海失。妖氛荆湖義勇聲。全壯章貢孤窮力。又分遂使桂林騰。紫氣坐

看。端。水。捧。黃。雲。門。前。履。錯。星。辰。客。帳。下。威。生。虎。豹。羣。身。着。戎。衣。迎。御。輦。手。披。仙。仗。拜。  
明。君。金。階。獨。對。邊。機。密。鐵。券。頻。辭。詔。使。勤。處。處。農。歌。沽。酒。慶。家。家。官。路。辦。香。焚。早。趨。  
南。浦。燒。攻。具。直。下。金。陵。洗。戰。裙。雁。塞。烽。消。無。斥。堠。王。庭。犁。罷。盡。畊。耘。中。興。大。寫。功。臣。  
貌。返。正。應。推。第。一。勳。

新城中秋即事

旅。食。寄。江。城。北。風。八。月。寒。嘗。恐。陰。暄。盛。令。節。不。成。歡。一。雨。散。浮。雲。數。星。出。河。干。華。月。  
非。所。料。東。嶺。條。已。圓。夜。深。將。曙。霽。皎。若。開。金。盤。居。人。美。良。夜。百。戲。恣。游。觀。既。慶。佳。時。  
節。復。覩。昔。衣。冠。感。此。氛。埃。淨。賞。歎。終。夕。闌。白。露。沾。衣。裳。行。樂。未。云。殫。

夕。闌。不。能。寐。起。步。江。水。湄。深。巷。雙。扉。開。叩。門。尋。所。思。庭。階。白。皚。皚。竹。葉。光。離。離。青。泉。  
烹。紫。葢。延。我。蓼。花。陂。商。歌。斷。以。續。玉。簫。停。復。吹。時。有。桂。花。香。煙。深。不。可。知。漁。艇。溪。上。  
橫。出。沒。生。然。疑。何。嘗。掉。扁。舟。中。流。詠。楚。詞。

客新城邀建陽王帥先飲郊外桂樹下

旅。食。值。秋。風。窮。愁。復。誰。吊。有。客。自。武。夷。谿。山。資。清。妙。流。離。嘉。共。棲。悲。歌。幸。同。調。鬱。鬱。

荒城外。何處延高眺。獨有雙桂華。發我樽前嘯。白雲抱遙峯。微雨收夕照。命酌掃石苔。吹香滿烟嶠。下有莎雞吟。上有孤蟬叫。談深草露泣。酒止山寒峭。無須秉燭回。望舒坐可召。

讀黃海岸先生明夷集

先生獄中所作也予向有弔先生詩今讀茲集更爲一首

龐公學道處。廬峯孤月時。赤腳發狂走。咄咄空中奇。微言成怪誕。流俗駭愚痴。妙諦豈足詮。大悟見臨危。敵來傾國迎。高遜賢者爲。不臣復不去。幽囚還賦詩。白刃豈不利。強項不可施。所由心堅剛。寧有鬼神持。我讀明夷集。激楚淒肝脾。至人已形解。壯士空含悲。

藏山閣詩存卷八終

藏山閣詩存卷九

桐城錢秉鐙飲光著

龍溪室主校刊

牛還集戊子下

讀哀

乙酉之變予有哀江南諸詩今在肝江聞崑江之難及傳南中諸死事甚悉因為續哀廣哀以紀之

三年兩遇難時勢豈全非文物從今盛堅貞自古稀  
幾人辭馬革何處問烏衣  
江南草離離未可歸

節義雲間盛陳登志更悲九旬存大母五世得孤兒  
意氣同人盡株連一死遲虜廷

無血濺長嘯逐鴟夷陳給諫子龍字臥子華亭人崇禎丁丑進士歷紹興推官

聯體精妙徐庾弗能過也門人同邑王

時才著早著有入室之目子龍死後收葬之

惆悵閭門路雞林手澤新不容漢處士寧禁宋遺民  
道在亂離見交從鈞黨親起黨

還甚可知名義重還是舊同人楊廷樞字維斗吳縣人兵部尚書成孫孝子大崇子

顏解之後聲譽日盛士林奉為楷模因其所居里

稱舉里先生甲申之後授命蘆墟門人私謚忠父

昔歲膠城破君家死喪多此心終不改天意欲如何  
道貌冰壺映佳兒玉樹羅一時

摧折靈。回首劇悲歌。侯太學雅

禮一門

抗節錢塘。令滿衣血。尚紅寧知三載後。又著一門忠。闔室容張儉。亦以誰人釋孔。

融夜台。應不恨吾道。泣何窮。顧成字端木崑山人咸建兄崇禎癸酉舉人授延安推官治績甚著遷廉卓第一死於難弟咸受字幼璵天

啓甲子舉人邑城破死焉

泉明聞又殞。不愧裏尸親。竟死忠臣絕。爭傳孝子真。公子本螟蛉而吳人有忠從容

公就義激烈。爾成仁。初太宰公聞城破入城自賊死坐笑求生者空勞涕淚頻嘉興徐太

孺子渥注種。早齡特好奇。論年刑可免。取義死妨遲。夏虜以其年釋職釋之笑改夏侯

色。臨刑有涕泣者夏猶笑之羞稱潘岳詩。考功詎不祀。應有腹孤遺。夏考功公子存古完淳

入幕劉公幹。元戎奉指揮。帳中機不密。海上約偏違。祗怪人謀失。誰言天意非。君看

吳地敗江嶺。已全歸。劉曙字公旦長洲人崇禎癸未進士授南昌知縣未任而金陵失守尋死之先是曙以父病割左股痕三寸許至是其僕覓尸

說吳帥反正事泄同死

廣哀

將軍兵未散。何事欲捐生。盡室沈滄海。單車指舊京。王敵兵沈家衣冠赴南京求死衣冠老父泣。意

氣敵人驚。西市風沙起。臨刑黑風捲帛天心正不平。王將軍之仁

七十猶倡義。誰能惜此生。莫悲賈志歿。原不望功成。詩詠游仙樂。死傳坐化名。生狀賦小

遊仙詩飲醉酒辭客而化爭知屍解去。底用哭真卿。黃介子

中丞初戰死。祠廟宛陵新。誰竊王綝首。還完重捷身。兵敗梟首宛人刻木以葬且為立祠一僧禱其首失道假宿於

祠土人問知之泣曰此中藁竿無不可。合葬亦隨人。近說忠魂附。家家祀作神。丘中丞祠墓也合諸身葬之

德稱祖

報國詹公子。麾兵戰不還。空傳雲霧險。公駐兵竟死大安關鳥憶長干瘦。公昔為衣

懷京兆斑。尊公舊京兆西谿雙血淚。予晤公於西湖言灑滴遍閩山。詹中丞月

誰憐王錄事。竟死婺州圍。抗節江東盛。殉城大吏稀。堅持太守篆。還著幕僚綈。金華

官盡逃王守節印衣緋緇城上一死南朝重。母言職最微。金華縣歷王

華亭多節義。死喪及師儒。題壁留誰看。升堂笑獨迂。睦衣冠縉明倫特書明命永。果

兆漢興符。睦詩有云明命其永萬竹其年今正朔鬼神奉。忠魂得慰無。華亭廣文睦

痴腸吳太守。國破早捐生。莫聽呼天訴。聊明報漢情。南都陷即上書鬼神應有恨。却



運恐難爭。近喜威靈見。南昌勝數驚。吳太學

抗節師諸事。堅貞似爾稀。為紓雷澤難。竟著臬臬衣。江邑舊名大雷。虜欲屠望幽。

夢期當踐。案書付未歸。先一年此日夢屈大夫相要至。三閭虛廟待。望江極奉三閭。

虛其舊竟並祀志無違。望江王明經

吾鄉吳季子。猿臂喜彎弓。空有捐家志。莫抒報國忠。淚霑三詔濕。吳秋廣園中三夢

擬七閩通。莫笑龍眠弱。孫吳算兩雄。謂克成○桐城

戴淵起陳墓。事敗竟降胡。誰信李陵志。真成伯約圖。戴初起義於東墓。洛陽入嵩江。

敗汝拚一死。天欲禍三吳。地下精靈聚。猶為厲鬼無。戴文舉

舉國爭披髮。危冠獨悲魚蝦。皆馬革天地一。鷗夷赴生問難節義鄉邦諱。姓名估

客知。會稽江上水。千里接鳩茲。開會稽一儒生恥其鄉無死難。

留都兵散日。節帥幾人亡。祇怪南朝弱。猶憐蜀將強。李蜀江山千載恨。清白一門香。

携妻于同擬作招魂賦。遙投北固旁。李都督右

赴水死聞嘉善孫君弘以吳職万累死感賦一首

孫郎江左秀。記是蜀家親。爲仲取表弟。腰擬依文瘦。詩憐庾信新。木無興漢志。甘殖報韓人。泉路逢公子。謂仲。母悲早潔身。

### 別新城諸友

炎夏出山阿。憩茲秋已徂。停軼稅瓜圃。游目散榛墟。出門見廢井。所居無完廬。充庖何爛熳。紫茄間青蔬。鄰曲漸相習。朋好頗不疏。今晨涼風發。飄飄吹行裾。豈不戀故歡。將往求乘輿。我生在亂離。安得久懷居。努力勦與名。勿負中興初。嚴裝去江邑。整駕赴庾嶺。曰余事馳驅。南瞻帝星炳。桂水白雲遙。蒼梧暮烟冷。天土在蠻夷。臣敢憚修梗。豫章奉正朔。土化未全秉。所慮夷習存。寧憂胡馬騁。六龍轡何遲。叩關臣當誦。以夕奉鳴鑾。子其慰引領。

### 自新城至廣昌途中口號

芒屨孤筇去路賒。叩關豈惜嶺雲遮。荒田水漫侵官道。野店烽殘剩酒家。稍喜芙蓉開傍屋。最憐烏柏遠蒸霞。年豐處處秋收了。夾岸風吹蕎麥花。

### 廣昌訪劉廣生孝廉

木落西風客到遲。荒邨繞過亂離時。幾家蓬徑初除草。是處柴門新補籬。楊柳條抽燒後樹。芙蓉花發折殘枝。琅琅石戶經聲遠。破案焚香誦楚辭。

重九前夜大風雨廣生用前韻見招再和一首

廣生書來有云喜無催租人敗意不至一句奉寄

旅夜愁懷客臥遲。更堪風雨攪床時。却憐池漫花欹岸。預識門開樹壓籬。蠅展擬尋臨水店。芳樽還趁傲霜枝。喜無敗興催租吏。折柬行行幼婦辭。

聞駕蹕端州喜賦

黃星三歲望中迷。唐突烽烟信馬蹄。祇聽詔書傳桂水。果然輦蹕駐端溪。歡騰義士添朝勇。魂慰孤臣罷夜啼。此日中原思漢極。六龍早出大江西。

夜過寧都

樹影浮前郭。孤征寄麥舟。市廛通夕啓。燈火幾家收。賈客乘時集。盤餐入夜求。亂離今見此。真羨小揚州。

寧都舊號小揚州

晤曾庭聞知熊子文給諫死難汀州

並舫雙江夜雨吹。疏燈坐對虎頭痴。人前屢發懷沙愿。

子文嘗有臨夷之志

酒後哀吟吳帝詩。

鳴珮趨朝班已散。當門嘔血罵誰知。雙峯古署銜杯話。竟是荆卿死別時。于文政給

死猶是過順昌。遂飲夜別也。○雙峰順昌縣名。

### 得劉客生信

別君荒署露華凝。寒月清樽涕不勝。長憶一杯成永訣。順昌署中言別可憐萬死見中興。玉關豈料生能入。仙闕唯餘我未升。多少故人麟閣上。如卿兄弟最先登。

### 虔州死節歌

虔州破死者甚多。則城上人所傳紀諸篇章或未為定論也。共得八人。

虔州城破相公亡。矢石既絕券猶張。躍馬奪門鋒莫當。迴鞭赴水何慨慷。楊相公廷麟太

宰清忠海內望。投環倉卒正冠裳。郭太宰維機司馬有志不得將。出城欲去中傍徨。翻然

裹幘殉封疆。萬司馬元吉彭公靖節意久藏。七首毒藥左右防。鬱孤臺上此志償。彭兵憲期生

御史一死扶綱常。從容絕命聖人堂。姚御史奇胤別駕瀟灑酒中狂。臨危不屈項果強。王別

金壇人虬髯鐵面周職方。周職方嘯齒罵賊肉飛揚。周職方盧君里居鬚眉蒼。倚杖妻兒次第

僵。終焉清冷完幽芳。盧員外觀象虔人

### 發寧都入粵道上紀事

朝出寧陽郭。鬱紆陟山阿。草深無人踪。踟躕不敢過。四峰森列寨。見客遙鳴螺。此本爲守望。立心毋乃頗。趨蹌甫能踰。前登山嵯峨。俯視見城郭。戈戟燿相摩。隱映崖際草。扳援石上蘿。曉到零都縣。夕渡紫參河。兵氛村逾遠。地氣冬漸和。嶺下牛羊放。嶺上樵牧歌。茅茨亦泄烟。場圃或收禾。夜投田家宿。烹葵雜紫茄。時物豈不美。所苦倉無儲。行行盡虔地。粵師來非訛。義兵假借起。山谷紛荷戈。道逢遠行客。瞋目橫見訶。信豐小城邑。得之未爲多。努力下章門。時會毋蹉跎。

### 紫參渡

日落行人稀。村墟指烟縷。風吹甘蔗林。颯然暮來雨。臨流不肯渡。榜人謠如虎。自言并州兒。遠戍甘搖櫓。嗟予久顛顛。微服雜商估。所恃辭氣卑。幸不逢其怒。渡江言重回。遙聽零都鼓。

### 崇化村過虔人云以丙戌十月過韶州見小兒于二劉舟中

失爾經今三易秋。三年有客見韶州。依劉舊恃通家誼。過嶺遙紆大宅憂。予在國日以其未過嶺爲訝足可憐。隨萬里。吞聲何處哭孤舟。曉驅念汝心全折。砥礪清癯雪滿頭。

初度嶺與張太羹談虔州事

即大庾嶺南雄府城北

虔州自是咽喉地。天下謳吟金與王。受困五月圍不解。援師只盼嶺南強。我聞章貢頗負固。堅壁清野還贏糧。疑兵綴之肘可掣。且出問道趨南昌。

過嶺有感寄輩下諸故人

雪窖三年此叩關。即橫浦關在大庾嶺上一名梅關惆悵昔南奔。吞旣已白。蘇卿髮剪紙難招。杜甫魂燈火夜投新。酒店星辰朝望大明門。寄聲嶺鴈端溪上。爲報羣公我尙存。

喜聞吳鑑在御史持斧粵西

艱難遂伴向南天。銅柱霜威度嶺傳。髣髴可憐庾信老。勳名已讓祖生先。嗟予虎穴潛蹤日。正爾駝車攬轡年。霄漢有君吾且逸。好依柏府縱高眠。

曲江道上

閩嶠風塵滿袖攜。孤踪又向嶺南迷。空村近岸無雞唱。巨艦橫江聽馬嘶。雜樹繁華深塢裏。亂山突兀夕陽西。扁舟獨放沙頻淺。燈火中流此夜棲。

過韶州知方蘊羞以丙戌秋病歿哭成

屈指雲霄彥。遙憐竹馬羣。幾時爲異物。何處哭孤墳。愛僕隨人散。遺金聽客分。舉家三十口。零落嶺頭雲。

曲江遇曹素臣

廣東韶州府

落日曲江上。逢君倚櫂時。蠻天容嘯傲。海色老鬚眉。對酒歌逾壯。經秋氣不悲。短篷依絕岸。收涕咏新詩。

謝許介字以舟見贈

兵戈江路阻。十日此淹留。漁艇煩着覓。羊腸減客愁。帆開驚岸失。坐穩聽江流。愧煞南雄守。逢迎少一舟。

舟行雜詩

向南山轉秀。世界亦全寬。行李得舟樂。人心度嶺安。古祠開野岸。獨樹矮江干。荒草離離外。知經戰馬殘。翠壁誰經見。天工老畫師。石疑枯樹倒。峯似夏雲奇。細草層層沒。穠花點點垂。扣舷看不盡。隨意逐舟移。彈子磯

江流泯。去落日見山。均。漁艇依。龍窟僧居。似鳥巢。壁開負米路。崖結避兵茅。世路無深險。何人得樂郊。觀音巖

帆風依峽轉。丹嶂束江迴。背日虬松秀。無僧野店開。到山迷寺宇。隔水見樓臺。華表鶴巢墮。時聞樓鶴來。飛來峯

波濤連海上。舟楫似江南。地坼三條水。山拖百里嵐。河魚香煮鰯。園果美傳柑。端水行將近。吾心轉不堪。三水

喜達行在二十韻

永曆二年冬十月到肇慶府

異域疑終老。生歸吾豈望。誰憐灰劫後。重見曜靈光。祇訝魂超越。猶愁夢渺茫。飢寒來北海。涕淚覩南陽。日出明宮闕。雲低抱苑牆。朝廷遂禮樂。我輩竟冠裳。諸將鳴鞭銳。千官佩玉鏘。避車多多繡。騎馬有貂璫。訪舊勛俱大。逢兒我並長。去珠還入掌。斷雁再隨行。趨陛肘時露。陳書指欲僵。故人相問訊。童僕轉淒涼。髮向僧居保。顏從虎穴蒼。賴將詩過日。但憶笋堪腸。濯足通身暖。尋醫百節傷。屨穿知步履。肩袒驗刀瘡。已慰玉關願。寧勞屬國償。解裝存筆硯。紀事足篇章。釣艇三人酒。茅庵一月糧。此生



依輦蹕歌詠六龍傍。

到端州得兒法祖志慰

三年啼已罷。萬里爾猶存。把袖天涯夢。傷弓閩海魂。語音鄉國變。長大故人恩。歡劇嗟蘇武。還家乏子孫。

喪亂今逢汝。艱難望爾賢。毋煩謀鶴俸。便欲買漁船。避難須貧賤。傭生只卷簾。有兒扶几杖。恣意老江天。

寄呈留守瞿相公

四首○虞山廣西桂林府城北一名舜山

稽首虞山拜相公。漢廷勛業許誰同。自擒宗孽人心定。

公有擒靖江逆宗之功

再整危疆將畧

雄。屢降白麻趣秉政。終拚黃髮老從戎。祗今鵝鷺歸仙仗。爭念麒麟第一功。

中興根本仗誰留。楚粵經年次第收。羊祜在軍常緩帶。庾公乘月亦登樓。幕中書記

欺韓愈。帳下諸兒問許侯。近喜湖南何相國。時從枕上借邊籌。

鐵券新辭五等勛。可堪時事又紛紛。荆南捷奏經時至。江右援書迺未聞。圖籍應歸

蕭相國。功名獨讓李將軍。卽今政本還虛席。詔使頻催下五雲。

辛苦延津事已非。生還羣下屢多違。蘇卿有節誰人曉。王粲無家何處歸。喜聽蠻方歌赤鳥。爭傳詞客滿黃扉。袖中雙筆猶堪用。擬向公門馬上揮。

全陽松和留守相公韻

全陽官路萬株松。蔽芾千年不受封。時留守薛林伯爵爲駐元戎休汗馬。遙瞻大旆雜交龍。陰森夾道風堪御。屈曲臨關憶不容。見說相公曾攬轡。白雲常護至今濃。

謝公卽事有篇章。況是寒帷乍得涼。萬騎迎風辭灑濯。千官解帶共徜徉。詩成馬上烟塵淨。客到軍前翰墨香。非是見松幽意愜。老臣同爾傲冰霜。

天南捧日再興年。草木公然蔽漢天。弘景愛聲空憶隱。留侯作伴漫求仙。道旁早勒停車石。林下應添飲馬泉。莫擬相公心暫息。輕搖羽扇正籌邊。

此地新經虎豹遊。更衝炎暑去如何。烽銷喜見棲玄鶴。泉閉嫌曾飲橐駝。側耳寒濤疑泛海。沾衣空翠笑捫蘿。幾經劫火陰常在。爲荷先朝雨露多。

酬汪辰初

辰初調選得慶州予得延平皆未死相遇禁下感慨係之

三年淪異域。一命重同官。以我棲山苦。羨君渡海安。圖書隨宦失。生死訴人難。近奉

新功令休稱兩鬢完

時禁自陳保髮歸朝之語

哭費司理死難雷州

名良統鉛山人

海南城破日。殉難獨雷州。大節同時抗。孤忠一死優。鉛山家早破。予在湖東聞費登氏為粵所殘

虔州續歌

虔州陷後死者多。給諫不死意如何。昇去南昌還絕粒。不死鋒刃死沈痾。楊幼于給昇至南昌。絕粒而死。雖陽激烈。氣誠壯。僵師需緩志。豈頗於僂師。南海職方援兵至。周黎方美。援入城不出。今則那。吏部絕命無人見。部吏城內誰能逃。網羅吾鄉亦有胡。建昌通。統若通守。舉家煨燼同消磨。其餘流寓復誰在。出城盡葬江心波。玉石俱焚無足道。紛紛請卹殊淆訛。古來節義憑信史。敬采里巷成績歌。

絕篇聽司空耿伯良敘述詩以紀之

髯昔東奔發。金華府縣浙江本侍同官情。蔡州方舉義。朱公名大建戎旌。要髯共整。旅途抗同官。衡同官為隱忍。義軍為不平。覆之還江上。因入方帥營。名國馬相久在。

幕後至權稍輕計邀萬帥歡二豎還相爭鬱鬱懷異志遺謀潛歸誠是時越守周降  
表達燕京陰以國情輸還令虜增兵六月虜渡江長跪江頭迎貝勒久始信涿州相  
金書迺呈叩頭感且泣誓死報聖清招降方與馬蹕躍隨長征自請五十騎先克金  
華城躍馬到城下長嘯颺胡纓昔聞朱公計城西角易傾此來直攻瑕礮火蹋天轟  
須臾城西陷戮及懷中嬰耿君名獻忠原任金華同知亦被繫望髯氣正英貝勒酬髯官懸稱  
內院榮次第度閩嶠所過無草萊羣酋罕肉食髯至必大烹相顧笑且駭每夜盤殮  
盈作歌勸酋酒羣酋飲必醒爭言梨園伎南來耳髯名髯起頓足唱髯昔家伶有  
酋黑姓求學詩唱和到五更晨起歷諸帳每談必縱橫一朝面目腫羣酋人人驚託  
耿往語髯且緩閩中程髯老而過勞即防疾病攔髯聞大憂疑疑有阻其行酬官諒  
不欺此意胡然胡我年甫六十有如鐵錚錚實無秋毫疾賴君爲我明耿君還復命  
羣酋指胸盟急邀並馬走仙霞嶺崢嶸羣酋皆按轡惟髯棄馬行健步奔犢捷嬰鏖  
聊自鳴上嶺復下嶺顧笑羣兒獐忽踞磐石坐呼之目已眩馬箠掣其辮氣絕不復  
生羣酋齊下馬環哭爲失聲亟命索火炬茶毗藏諸罌家僮搏頰泣請還附先榮方

馬隨入關屍首委長鯨惟髡有遭遇所志惜不成耿君新返正列爲行在卿始末親所見記以待史評

俞生行

四人皆義士也同從乞予爲詩以紀之○臨樓按中丞即劉遠生名廣胤在慶興廣被獲後脫出官兵部尚書故詩有中丞者謹司寇是句

中丞軍敗爲虜獲

南昌絕粒不死重思活○中丞絕粒左右相隨只兩僮西市放回繫

獄中

屢赴市曹不獄有僕夫玉卿者與性福建欲竄中丞無與同閩人俞生名文雅

好義陰爲玉卿畫奇計

部署略定告中丞轉令中丞心胆悸爲說彙臣病不痊兩僮

偷伴獄官眠乘夜出獄

傍城宿詰朝早上俞生船獄官晨問中丞恙雙履楊前宛相

向呼僮迎僮不行彼此相推齊出城

俞生船開去如箭兩僮出城脫不見下江兵

阻轉柁回撲面差池爭一綫

舍船得岸望西馳日中縱聞兵馬追夜奔問道虎口脫

扳翻荆棘無完肌奔波力盡一僮死

名阿長中丞謁駕訴天子俞生面受別駕恩餘

人併作軍功紀鄞江一夜胡塵飛

中丞兄弟突重圍同來義士復散失應向故鄉覓

路歸國運重興有天意

百官扈蹕隨時至俞生皂帽翩然來鄞僮趨跽稱小吏○鄞人

更聞獄官受累猶未誅株連同類死復蘇

江右返正皆赦罪上書乞恩兩人俱中丞

者證司寇是得書憶舊悲且喜特疏爲叙獄官冤兩人並奉超遷目諸君義重報亦殊獨有玉卿消息無君不見小吏騎馬得官職別駕循資陞大夫

得方密之信見寄

同時亡命五經春。嶺嶠分飛痛甲申。夜臥驚啼頻夢虎。朝行掩面怕逢人。備嘗海市曾全變。賣藥山城術已神。聞道徵車求舊切。漫藏名姓更垂綸。

酬金給諫衛公

峒戶蠻村老此身。直聲猛氣動延津。重來瑣闕風裁舊。獨對青蒲袖草新。多難朝廷容敢諫。中興將帥重清貧。金章鐵券休輕覲。抗疏當關正有人。

密之與鑑在相依桂水貽書招予書懷二十八韻奉答

方朔金門彥。延陵直指營。艱難猿峒路。遭際桂林城。書到知予在。歌長見友情。離羣眞歷劫。訪舊半花兵。黨錮同亡命。髡鉗各易名。故人皆散失。季子得逢迎。賣藥方曾效。從戎計未成。吳江家總破。閩海國重傾。廬泣通三載。夷歌盡百更。葵心終耿耿。綠髮故莖莖。崖複看猿度。天長羨鳥征。夢顛江右復。涕灑粵東平。過嶺風全煖。開年日

迴明朝廷需戰伐。吾道媿堅貞。再著冠裳好重逢。父子驚雞壇皆列宿。麟閣半同盟。  
學士今爲相。臺郎且晉卿。携挈依北道。給札賦西京。對酒探園熟。聯吟并馬行。雙星  
隨斗出一鴈。掠霜鳴。祇覺生存倖。翻悲死喪輕。武公屍不返。農父禍誰撓。密之書來云孫武公  
戰歿周農父亦羅家難。父白社。餘三士。青雲仗兩兄。服官憐我拙。招隱鑒君誠。水憶灘江碧。峯思  
獨秀晴。軀殘舌仍在。粒絕筆能耕。歲月將詩記。篇章把燭評。春帆應撫手。唱和送餘生。

送吳青聞給諫解官西上

鐘鼎初散解朝衣。白舫蒼梧去不違。抗疏未蒙明主放。避議先許直臣歸。青聞以論香山去官  
憂時計笑書生過。去國人憐諫草稀。似我合隨梅尉隱。伏波山下訂漁磯。

酬龔在田孝廉

在田以上書失志有東歸意

沙縣驚逢斷雁行。亂離里抱共言亡。先公旅襯淹蠻土。令弟麻衣帶賊傷。左袵最憐  
吳地客。南冠猶戀漢家裝。幸逢正統寧宜去。且輟憂時痛哭章。

贈丁掌垣

諸公日以燕飲爲事故風之

憶昨聯檣章水上。三年仙藥再經過。朝因臥病晨趨少。疏食憂時夜草多。補袞卽看新領袖。搖金還聽舊鳴呵。青蒲第一邊機急。莫向樽前縱嘯歌。

贈李源白金吾

名元風。憲國。家嗣。

漢家天子報功殊。沉弇同時列畫圖。仙仗曉趨扶玉輦。羽書夜到召金吾。開教侍史親調管。醉看孤兒健挽弧。騎馬天街人肅肅。露章霜色滿行都。

除夕

時初除膳部

江雲夜黑閉荒衙。潦倒郎官鬢早華。一子已拚拋嶺外。三年重許聚天涯。螺杯細注合歡酒。蠟炬頻舒報喜花。醉舞作歌疑似夢。敢將飄泊怨無家。



藏山閣詩存卷九終